



't Kerkje van Ellesdiek



Oecumenische bieeênkomst

18 september 2016

“Iedereên is waerdevol”



Uutleg bie de tēkenienge.

D'n eēnen en d'n aren.

Op de tēkenienge zie me lienks een figuur, die a z'n eigen een bitje ofkeêrt van de rest. Het is een butendieker in de ôgen van de mēnsen. De are drie kieke dan ok wat agressief toe. Ie oart t'r nie bie. Mè bie God is dat aars.

Jopie Minnaard.

Liturgie Ellesdiek 18 september 2016

Thema: "Iedereên is waerdevol"

Urgelmuziek (Lenie Stokman)

Welkom (Jan Minnaard)

(me gae stae)

Zienge: NLB lied 280 vers 1 t/m 5

1. De blieschap briengt oans nae dit uus
wan 't Woord gaet ier z'n gank.
God roept zien Naem over oans uut
dus briengt Um eêr en dank!
2. Dit uus van out en steên dat ei
a eêl wat sturm deurstae.
Gebeden bin ier uut'ezeid -
den emel in'egae.
3. Een uus dat a de sporen draegt
van wat a mènsen bin.
Mêr ienkel a God aolles schraegt
ei ier 't gebeuren zin.
4. Is dit een plekke wir a oans
Joen emel open zie?
Briengt ier Joen iengel liefd' en troôst,
bluuf Jie oans aoltied bie?
5. Geef Jie oans ier een nieuw uutzicht,
bluuf bie oans mie Joe Naem.
Zet Jie oans in Joe louter licht
en zegen oans ier saem'.

Durpelgebed (Frans van der Heijde)

(me gae zitte)

Theo van Teijlingen ziengt

Lezieng 1 Samuël 16:1 – 13 (Rie van Kleunen)

Zienge NLB Lied 72 vers 1 en 4

1.De konieng ôns van God gegeve
richt mi gerechtig'eid
z'n volk en doe 't in vrede leve
tot in der eêuwigheid.
De vrede ruust op aolle bergen
en over 't êle land.
Ie za van ôns gin schattieng verge,
ie leidt mi zachten and.

4.Bloeie zien naem in aolle streken,
zolang de zonne schient.
Zien koniengschap is ôns een têken
dat nae Gods toekomst ziet.
Dat aolle volken saemenkomme
en groete aoltesaem
de zegen en de zegen vromme
van Zien gepreze naem.

Lezieng 1 Samuël 17:23 – 28 (Corrie de Baar)

Theo ziengt

Spiegelverhaal

Zienge

Liedboek voor de Kerken Lied 487 1 en 3

1. D'n Eêr ei mien 'ezie en onverwachs
bin'k overnieuw gebore en 'etoge.
Um ei mien licht ontstoke in de nacht –
mien arte leeft – ik kiek aars uut me'n oôgen.
En ie kom zachjes, mè mie overmacht;
ok a 'k tekort schoot, ei t'N dat verdroge.

3. Die a Joe lief bin, geef Je 't in d'r slaep,
Joe naem zaai Jie eêl diep'in oanze droômen.
Jie ei oans zelf di vatbaer voe 'emaekt –
zò a de regen druupt op struiken, boômen,
net as de wind, gin mènes weet wi t'n gaet,
net eênder zù ok Jie over oans komme.

Overdienkieng

Theo ziengt

Voorbeden

(Corry Verburg)

Oanze Vaoder

Oanze Vaoder in den emel
lit joe naem vereêrd worre,
lit joe koninkriek komme
lit wat a jie wil gebeure,
op aerde, net as in den emel.
Geef oans vandaege 't broad dat a me noadig è,
en vergeef oans oanze schuld,

net as oans ok an are mènsen d'r schuld vergeve.
En stel oans nie op de proef,
mè ouw aol 't slechte van oans wig.
Wan joe koninkriek,
en de kracht en de pracht,
is eêuwig voe eêuwig.
Amen

Theo vertelt over Amecet

Collectes D'n eêsten is voe Amecet en de twidden voe de
onkosten van de bieeênkomst. In juni was de
opbriengst voe Onyame 204,15 euro en voe de
onkosten 147,25 euro.

(me gae stae)

Zienge: NLB 704 vers 1, 2 en 3

1. Dankt aollemille God
mie 'art en mond en 'anden,
die grôte diengen doet
ier en in aolle landen,
die oans van jongsof an
ja, van de moederschoôt
z'n vaoderlijken 'and
en trouwe liefde toënt.
2. Die eêuwig rieke God
meug' oans a in dit leven
een vrie en vrolijk 'art'
en echte vrede geve,
die eêuwig zurgt voe oans
d'r aoltied voe oans is
en 'ier en overaol
oans 'elpt a't moeilijk is.

3. Brieng eêr an oanze God
die troônt in 't licht di boven.
Um, Vaoder, Zeun' en Geêst
mô 'eêl de scheppieng love.
In den verbieê tied
was God aoltied dichtbie.
Noe zienge me z'n eêr
z'n riek dat zù me zie

Zegenbede

(me gae zitte)

Slotwoord

De bieeênkomst is laeter te beluusteren via

www.ellesdiek.nl onder het kopje Oecumene

Wat a t'r in de kommende maend te doen is in 't Kerkje

Zondag 25 september
14.30 uur

Zigeunerorkest Pipacs: wervelende en meeslepende Hongaarse, Roemeense en Russische zigeunermuziek.
Toegang 8 euro

Zaterdag 1 oktober
13.30 – 16.00 uur

Open mirreg voe de tentoanstellege van het werk van Evelien Apeldoorn

Zondag 2 oktober
9.30 – 17.00 uur

Franciscusdag m.m.v Franciscaanse Beweging Zeeland: wandelienge, maeltied, optredens van Broeder Dieleman, Theo van Teijlingen, Anja Kopmels.
Jenne Declair speel 'Franciscus, de jongleur van Assisi'.
Vesper

Zondag 9 oktober
14.30 uur

East of the Sun. Jazz van de bovenste planke mie een gevarieerd programma
Toegang 8 euro

Zaterdag 15 oktober
13.30 - 16.00 uur

Open mirreg voe de tentoanstellege mie werken van Evelien Apeldoorn

Zondag 16 oktober
14.30 uur

Oecumenische bieeênkomst mie een overdienkieng deur Nel Roggeband en medewerkieng van de zanggroep 'Vier'.